

Zeitschrift: Igl Ischi : organ della Romania (Societat de Students Romontschs)
Band: 31 (1945)
Rubrik: Rapport dell' Academia romontscha de Sviz

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 22.11.2024

ETH-Bibliothek Zürich, E-Periodica, <https://www.e-periodica.ch>

Rapport dell' academia romontscha «Il Curtin» a Mustér

duront ils onns 1942/43 e 1943/44.

La finamira de nies «Curtin» ei de cultivar il lungatg ed il cant popular romontsch, de far nus enconuschents cun nossa cultura e de perfeczionar nus en la retorica. En quei senn ha l' academia era luvrau stediamein ils dus davos onns. Sut la capavla protecziun de Dr. P. Flurin Maissen essan nus seradunai inagada per jamna. En mintga radunonza ha in dils commembers teniu in plaid u referat pli grond ed in auter in «plaid sur ura». Ils temas vegnan elegi aschia, ch' els stattan en connex cun pievel, lungatg e cultura romontscha.

Igl onn 1942/43 han Calist Monn e Christian Monn empalau l' academia, che ha consistiu ord 12 commembers. La spassegiada ha menau nus enta Vella.

Igl onn 1943/44 ei il diember de commembers sesminuius da 12 sin 10. Sco presidents han Pius Condrau e Benedetg Venzin funzionau. Leonard Caduff ha dirigiù duront omisdus onns il cant. Ina stupenta variaziun ei stau la spassegiada si d' Acla.

En num dil «Curtin»:

Stanislaus Monn

Rapport dell' Academia Romontscha de Sviz

Nus dein in' eglia da anavos sil curriu e passau ell' academia romontscha duront igl onn 1943/44. Il program digl onn era già daus tras la preparaziun per il giubileum dil poet G. H. Muoth. Nies intent era emprender d' enconuscher e de studiar las ovras de quei um, che ha avon tschien onns entschiet sia veta terestra. Celebrar e festivar in um cun grondas parlamanzas e plaids, senza enconuscher sias ovras, fuss pauc bi. En diversas sesiuns, dallas qualas tuts ils students romontschs han priu viva part, ein las principalas ovras dil poet de Breil vegnidas tractadas en prosa e poesia. Ei drova senza dubi in muossavia per veser e capir las bellezias che ruaussan ella viarva de Muoth. Ei tucca de destadar ad in u l' auter il senn per il niebel e bi.

Mintga program sto era, per esser buns, haver sias giugadiras e sto seschar storscher, senza che gl'entir moviment mondi en scalgias. Nus vertin, gie beneventein schizun lavurs genuinas d'in e scadin. Jeu numnel cheu mo las poesias d'in niev poet surmيران ord nies miez. Ils «Salids de Sviz» han gia rapportau avon in pèr meins duas emprovas de quella lirica, clara sco l' aua della Gelgia. Cumpriu tut savein nus dir ch'igl onn de lavur ell' academia mereta ina excellenta nota. Ils valents menaders de nossas sessiuns: president Durschei Willibald e Giusep Bundi ein vengonzs de vegnir numnai e meretan nies cauld engraziament. Possi quei spért d' unitad, perinadad e luvrusadad ruassar era sill' academia futura!

Sviz, uost 1944.

B. G.